



TAJUK KHUTBAH JUMAAT

Siri: 43 /2024

WASPADA TERHADAP AJARAN SESAT

25 Oktober 2024

Bersamaan

22 Rabiulakhir 1446

DIKELUARKAN OLEH:

**JABATAN HAL EHWAL AGAMA
TERENGGANU**

PERINGATAN:

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

KHUTBAH PERTAMA

الْحَمْدُ لِلَّهِ الَّذِي هَدَانَا لِهَذَا وَمَا كُنَّا لِنَهْتَدِيَ لَوْلَا أَنْ هَدَانَا اللَّهُ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ عَلَى سَيِّدِنَا مُحَمَّدٍ عَبْدِكَ وَرَسُولِكَ النَّبِيِّ الْكَرِيمِ،
وَعَلَى آلِهِ وَصَحْبِهِ وَبَارِكْ وَسَلِّمْ تَسْلِيمًا كَثِيرًا.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ وَطَاعَتِهِ،
لَعَلَّكُمْ تُفْلِحُونَ.

Sidang Jumaat yang dirahmati Allah,

Marilah kita meningkatkan ketakwaan kepada Allah SWT dengan melaksanakan segala perintah-Nya, dan juga menjauhi segala larangan-Nya. Mudah-mudahan kita termasuk dalam kalangan hamba-Nya yang berjaya di dunia dan akhirat.

Pada hari Jumaat yang penuh barakah ini, khatib menyeru para jemaah semua agar dapat memberi tumpuan kepada khutbah yang bertajuk:

WASPADA TERHADAP AJARAN SESAT.

Sidang Jumaat yang berbahagia,

Akidah merupakan perkara terpenting dalam agama Islam. Perkara melibatkan akidah tidak boleh diambil ringan. Kemunculan ajaran sesat yang menyelinap masuk dalam masyarakat perlu disedari, dan langkah untuk menyelamatkan akidah daripada diseleweng perlu dilakukan secara bersepadu.

Kemunculan ajaran sesat ada kalanya berpunca daripada sikap tidak cakna terhadap perkara-perkara melibatkan fardu ain. Ada juga orang yang terpengaruh dengan ajaran sesat kerana terpesona dengan amalan yang dilihat lebih mudah dan ringkas. Begitu juga kepercayaan terhadap perkara luar biasa serta taksub buta terhadap individu tertentu, sehingga menjadikan diri terlibat dalam kumpulan ajaran sesat.

Hadirin sidang Jumaat sekalian,

Umat Islam perlu sedar bahawa ajaran Islam yang sedia kala diamalkan oleh masyarakat Islam di negara ini merupakan ajaran yang selari dengan ketetapan al-Quran dan Sunnah. Apa jua dakyah yang menimbulkan kekeliruan terhadap pegangan umat Islam di tempat kita, juga menjadi punca berlakunya salah faham dalam pegangan Ahli Sunnah Wal Jamaah.

Apakah yang dimaksudkan dengan Ahli Sunnah Wal Jamaah? Ahli Sunnah Wal Jamaah merujuk kepada golongan yang berpegang kepada ajaran yang dibawa oleh Rasulullah SAW berdasarkan al-Quran dan Hadis, serta mengikut perjalanan kehidupan beragama sepertimana yang ditunjukkan oleh Baginda serta para sahabatnya dan juga mereka yang bersama mewarisi pegangan ajaran Islam khususnya akidah, syariah dan akhlak.

Rasulullah SAW bersabda:

وَإِنَّ هَذِهِ الْأُمَّةَ سَتَفْتَرِقُ عَلَى ثَلَاثٍ وَسَبْعِينَ مِلَّةً يَعْني الْأَهْوَاءَ
كُلُّهَا فِي النَّارِ إِلَّا وَاحِدَةً وَهِيَ الْجَمَاعَةُ

Maksudnya: Dan sesungguhnya umat ini akan berpecah kepada tujuh puluh tiga golongan (yang mengikut hawa nafsu), kesemuanya di dalam neraka kecuali satu iaitu al-Jama'ah. (Hadis riwayat Abu Daud)

Sidang Jumaat yang dirahmati Allah,

Kemunculan ajaran sesat pada masa kini tidak boleh dibiarkan berleluasa. Selain tindakan yang dilakukan oleh pihak berkuasa agama, masyarakat perlu menyedari kewujudan ajaran sesat serta menolak dakwah yang disebarkannya. Meskipun fatwa pengharaman telah diwartakan, gerakan menghidupkan semula fahaman sesat masih berlaku dengan pelbagai cara, termasuk mengubah nama gerakan serta mengatur pendekatan baharu.

Justeru, masyarakat tidak boleh terpengaruh dengan sebaran fahaman yang bertentangan dengan pegangan Ahli Sunnah Wal Jamaah. Antara perkara yang biasanya menjadi doktrin penyebaran ajaran sesat, ialah:

Pertama: Menyalah tafsir al-Quran dan Hadis mengikut hawa nafsu.

Kedua: Menghina Rasulullah SAW dan para sahabat Rasulullah.

Ketiga: Menanam doktrin yang fanatik dan terlalu taksuf terhadap individu atau kumpulan tertentu.

Keempat: Menyamakan Islam dengan agama-agama lain serta menyebarkan kekeliruan berkenaan ajaran Islam meliputi aspek akidah, syariah dan akhlak.

Kelima: Mengubah tatacara pelaksanaan amal ibadah khusus melibatkan solat, puasa, haji dan sebagainya.

Saudara sidang Jumaat sekalian,

Ketahuiilah bahawa ajaran Islam yang diamalkan oleh umat Islam di Malaysia merupakan ajaran yang benar. Janganlah mudah terpedaya dengan sebarang dakwah yang bertentangan dengan pegangan yang diamalkan oleh umat Islam.

Allah SWT berfirman dalam Surah al-An'am, ayat 153:

وَأَنَّ هَذَا صِرَاطِي مُسْتَقِيمًا فَاتَّبِعُوهُ ۖ وَلَا تَتَّبِعُوا السُّبُلَ فَتَفَرَّقَ بِكُمْ عَنْ سَبِيلِهِ ۚ ذَٰلِكُمْ وَصَّاكُم بِهِ لَعَلَّكُمْ تَتَّقُونَ ﴿١٥٣﴾

Maksudnya: Dan bahawa sesungguhnya inilah jalan-Ku yang betul lurus, maka hendaklah kamu menurutnya; dan janganlah kamu menurut jalan-jalan (lain dari Islam), kerana jalan-jalan (yang lain itu) menceraikan kamu dari jalan Allah. Dengan yang demikian itulah Allah perintahkan kamu, supaya kamu bertaqwa.

Sidang Jumaat yang diberkati Allah,

Fatwa Negeri Terengganu bertarikh 5 Ogos 2021 menyatakan:

“Adalah ditetapkan bahawa umat Islam di negeri Terengganu Darul Iman hendaklah mengikut ajaran Islam yang berasaskan pegangan Ahli Sunnah Wal Jamaah yang diamalkan sejak dahulu hingga sekarang. Dari segi akidah, ia hendaklah berpandukan manhaj al-'Asya'irah dan al-Maturidiah”.

Oleh itu, orang Islam adalah dilarang mengajar, mempelajari, mengamalkan, berpegang kepada atau menyebarkan ajaran-ajaran dan fahaman-fahaman Islam selain daripada pegangan Ahli Sunnah Wal Jamaah dari segi akidah, syariah dan akhlak.

Kesimpulannya, marilah sama-sama kita memelihara akidah dengan sentiasa mengikut pegangan Ahli Sunnah Wal Jamaah. Tolaklah segala bentuk dakyah yang bertentangan dengan akidah Ahli Sunnah Wal Jamaah kerana menjaga akidah adalah tanggungjawab setiap orang Islam. Hadirkanlah diri untuk mengikuti kuliah dan kelas pengajian agama di masjid dan surau kerana hanya dengan ilmu pengetahuan yang benar, maka kita dapat memelihara pegangan akidah daripada terjerumus ke dalam kesesatan.

أَعُوذُ بِاللَّهِ مِنَ الشَّيْطَانِ الرَّجِيمِ

لَقَدْ مَنَّ اللَّهُ عَلَى الْمُؤْمِنِينَ إِذْ بَعَثَ فِيهِمْ رَسُولًا مِّنْ أَنفُسِهِمْ يَتْلُوا عَلَيْهِمْ
آيَاتِهِ، وَيُزَكِّيهِمْ وَيُعَلِّمُهُمُ الْكِتَابَ وَالْحِكْمَةَ وَإِن كَانُوا

مِن قَبْلُ لَفِي ضَلَالٍ مُّبِينٍ ﴿١٦٤﴾

Maksudnya: Sesungguhnya Allah telah memberi kurnia kepada orang yang beriman, setelah Ia mengutuskan dalam kalangan mereka seorang Rasul dari bangsa mereka sendiri, yang membacakan kepada mereka ayat-ayat Allah, dan membersihkan mereka, serta mengajar mereka Kitab Allah dan hikmah. Dan sesungguhnya mereka sebelum itu adalah dalam kesesatan yang nyata.

(Surah Ali 'Imran: ayat 164)

بَارِكِ اللَّهُ لِي وَلَكُمْ فِي الْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،
وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ،
أَقُولُ قَوْلِي هَذَا وَاسْتَغْفِرُ اللَّهَ الْعَظِيمَ لِي وَلَكُمْ،
وَ لِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ،
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

KHUTBAH KEDUA

الْحَمْدُ لِلَّهِ رَبِّ الْعَالَمِينَ، وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا
مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

Bertakwalah kepada Allah dengan sebenar-benar takwa dan patuhilah kepada perintah-Nya. Semoga kita sentiasa dirahmati oleh Allah SWT.

Sidang Jumaat yang dikasihi Allah sekalian

Negeri kita bakal menghadapi musim tengkujuh dan berkemungkinan besar terdedah kepada bencana banjir. Bahkan, kini di beberapa negeri yang lain telah pun mengalami musibah banjir ini. Justeru, marilah kita sama-sama berdoa kepada Allah SWT, agar mengurniakan keselamatan dan kesejahteraan kepada negeri kita, di samping mendoakan supaya segala kesukaran dan kesulitan mereka yang dilanda banjir akan segera pulih seperti biasa.

Tidak lupa juga marilah juga kita memohon pertolongan dan perlindungan daripada Allah untuk saudara muslimin kita di Palestin, Lubnan dan lain-lainnya. Semoga Allah SWT memberi kemenangan dalam perjuangan mendepani kezaliman musuh-musuh mereka. Hanya kepada Allah sahajalah kita berserah dan memohon pertolongan.

Begitu juga, marilah kita memperbanyak ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا
مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،
إِنَّكَ حَمِيدٌ مَجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ
اشْفِ مَرَضَانَا وَارْحَمْ مَوْتَانَا، وَالطُّفْ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ
السُّلْطَانَ مُحَمَّدٍ الْمُكْتَفَى بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ
زَاهِرَةٍ، سُلْطَانَةِ تَرَغْكَانُو.

وَاحْفَظْ أَوْلَادَهُ وَأَهْلَهُ وَرَعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،
بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وَلِيَّ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ
زَيْنِ الْعَابِدِينَ.

اللَّهُمَّ أَعِزِّ الْإِسْلَامَ وَالْمُسْلِمِينَ، وَأَذِلِّ الْمُعْتَدِينَ الظَّالِمِينَ، وَدَمِّرْ أَعْدَائِكَ
أَعْدَاءَ الدِّينِ، وَانصُرْنَا عَلَيْهِمْ يَا رَبَّ الْعَالَمِينَ. اللَّهُمَّ انصُرْ إِخْوَانَنَا الْمُسْلِمِينَ
وَالْمُجَاهِدِينَ فِي فَلَسْطِينَ وَفِي كُلِّ مَكَانٍ.

Ya Allah,

Kami memohon hidayah dan petunjuk ke jalan kebenaran. Tetapkanlah iman kami di dalam agama-Mu. Basahilah lidah kami dengan bacaan al-Quran dan zikir kepada-Mu. Jadikanlah akhlak junjungan besar Nabi Muhammad SAW sebagai ikutan kami. Pereratkanlah hubungan sesama kami, saling bekerjasama dan bantu membantu dalam kebajikan dan taqwa.

Ya Allah

Jadikanlah negeri ini negeri yang aman, maju lagi diberkati. Bukakanlah pintu-pintu rezeki dari segala penjuru. Kurniakanlah kepada kami nikmat kesejahteraan yang berterusan. Jauhkanlah negeri kami ini daripada segala malapetaka, musibah dan apa jua kemurkaan-Mu.

Ya Allah,

Anugerahilah keberkatan kepada para pembayar zakat dan pewakaf MAIDAM. Semoga Allah SWT mengurniakan ganjaran ke atas apa yang diberikan dan memberi keberkatan ke atas harta yang berbaki.

Ya Allah,

Anugerahkan pertolongan dan bantuanMu untuk saudara kami di Palestin. Berikanlah ketabahan dan kekuatan kepada mereka dalam menghadapi kekejaman rejim zionis. Peliharakanlah bumi Baitul Maqdis dan seluruh saudara kami di sana.

آمين يا الله، يا رب العالمين

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَىٰ وَيَنْهَىٰ عَنِ
الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ
فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُوا لَهُ عَلَىٰ نِعْمِهِ يَزِدْكُمْ،
وَلَذِكُرِ اللَّهُ أَكْبَرُ، وَاللَّهُ يَعْلَمُ مَا تَصْنَعُونَ.

قُومُوا إِلَىٰ صَلَاتِكُمْ، يَرْحَمَكُمُ اللَّهُ.